

Serie A N.º 1175861

SESIÓN ORDINARIA CELEBRADA POLO PLENO DO CONCELLO O DIA
10 / MAIO / 2000

SUMARIO

- 1.- APROBACIÓN, SE PROCEDE, ACTA SESIÓN ANTERIOR
- 2.- ACTIVIDADE DE CONTROL DO PLENO
- 3.- DAR CONTA DE RESOLUCIÓNS DA ALCALDÍA
- 4.- ESCRITO DO XERENTE DA MANCOMUNIDADE DA ÁREA INTERMUNICIPAL DE VIGO, SOBRE ADSCRIPCIÓN PROVISIONAL FUNCIONARIO.
- Economía e Facenda**
- 5.- DAR CONTA DE EXPEDIENTES DE MODIFICACIÓN DE CRÉDITO NÚM 6/2000
- 6.- REVISIÓN DE PREZOS CONTRATO ASINADO POR "SERAGUA, S.A.- FOMENTO DE CONSTRUCCIONES Y CONTRATAS, S.A., UTE- REDONDELA", CON ESTE CONCELLO.
- 7.- IMPOSICIÓN E ORDENACIÓN DA TAXA POLA PRESTACIÓN DOS SERVICIOS DE RETIRADA, TRANSPORTE E CUSTODIA DE INSTALACIÓNS, ELEMENTOS E XÉNEROS RELATIVOS AO EXERCICIO DE CALQUERA ACTIVIDADE OU COMERCIO NA VÍA PÚBLICA SEN LICENCIA MUNICIPAL E OUTROS PRESTADOS POR CAUSAS EXCEPCIONAIS, E APROBACIÓN PROVISORIA DA ORDENANZA FISCAL REGULADOR ADO TRIBUTO.
- 8.- ADQUISICIÓN DE NAVE PARA SERVICIOS MÚLTIPLES: PLURIANUALIDADE DO GASTO.
- 9.- CORRECCIÓN DE ERROS MATERIAIS NO ACORDO ADOPTADO POLO CONCELLO PLENO O DÍA 30.03.00, REFERIDO Ó RECOÑECIMIENTO ESTRAXUDICIAL DE CRÉDITOS.
- Urbanismo**
- 10.- PROPOSTA COMISIÓN INFORMATIVA DE URBANISMO EN RELACIÓN CON CORRECCIÓN DE ERROS NAS NORMAS SUBSIDIARIAS DE PLANEAMENTO.
- Interior**
- 11.- PROPOSTA DO PRESIDENTE DA COMISIÓN INFORMATIVA DE INTERIOR SOBRE MODIFICACIÓN REGULAMENTO ORGANICO DO CONCELLO.



- 12.- APROBACIÓN DEFINITIVA MODIFICACIÓN REGULAMENTO CONSELLOS MUNICIPAIS PARROQUIAIS.

Deportes

- 13.- PROPOSTA DO PRESIDENTE DA COMISIÓN INFORMATIVA DE DEPORTES SOBRE APROBACIÓN MODIFICACIÓN PROXECTO CAMPO DE FUTBOL DE SANTA MARINHA.

Cultura

- 14.- DICTAMEN DA COMISIÓN INFORMATIVA DE CULTURA SOBRE ESCRITO DA SOCIEDADE LABREGO CULTURAL DE REBOREDA EN SOLICITUDE DE DARLLE NOME O VAL EN S.P. ABAIXO-REBOREDA.

Mocións

- 15.- MOCIÓN DO BNG SOBRE NORMALIZACIÓN LINGÜISTICA
- 16.- MOCIÓN DO BNG EN DEFENSA DO SECTOR PESQUEIRO GALEGO E POR UN NOVO CAORDO DE PESCA CON MARROCOS
- 17.- ROGOS E PREGUNTAS.

Na Casa do Concello de Redondela, sendo as vinte horas e trinta minutos do día **dez de marzo do ano dous mil**, baixo a Presidencia do Sr. Alcalde, D. D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA. M^a DEL PILAR MARTÍNEZ GONZÁLEZ, DONA. M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D^a. M^a. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, D^a. AURORA ALONSO MONTEAGUDO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. XOSÉ CARLOS PAZOS DOCAMPO, DONA. CECILIA PÉREZ ORGE, D. XOSÉ LUIS GRANDE GRANDE e DONA. ÁNXELES GONZÁLEZ GÓMEZ, asistindo o Sr. Interventor, D. MODESTO SOLLA SANZ, actuando como Secretario o titular da Corporación D. LUÍS TORRADO VÁZQUEZ, constitúese o Pleno do Concello, en sesión ordinaria, conforme á convocatoria e de acordo coa Orde do Día remitida a tódolos Sres/as Concelleiros/as, coa antelación legalmente requirida.

A Presidencia declara aberta a sesión en primeira convocatoria, procedéndose a trata-los puntos da Orde do Día.-

Aberto o acto e a proposta da Presidencia a Corporación gardou un minuto de silencio pola morte de D. JOSÉ LUÍS LÓPEZ DE LA CALLE.

Serie A N.º 1175862

1.- APROBACIÓN, SE PROCEDE, ACTA SESIÓN ANTERIOR

Pola Presidencia dase conta da Acta da sesión celebrada polo Concello Pleno correspondente á sesión ordinaria ordinaria en data 30 de marzo do ano dous mil.

Este Concello Pleno, por unanimidade dos/as Sres/as Concelleiros/as asistentes acordou prestar a súa aprobación á acta antes citada.

2.-ACTIVIDADE DE CONTROL DO PLENO

Non houbo actividade de control por parte de ningún dos/as Sres/as Concelleiros/as asistentes.

3.-DAR CONTA DE RESOLUCIÓNS DA ALCALDÍA

Pola Presidencia dase conta a este Concello Pleno das Resolucións dictadas polo Sr. Alcalde dende o 27 de marzo ó 30 de abril do 2000.

O Concello Pleno, quedou enterado do contido das Resolucións dictadas.-

4.-ESCRITO DO XERENTE DA MANCOMUNIDADE DA ÁREA INTERMUNICIPAL DE VIGO, SOBRE ADSCRIPCIÓN PROVISIONAL FUNCIONARIO.

Por orden da Presidencia se retira este asunto da orde do día da presente sesión.

5.-DAR CONTA DE EXPEDIENTES DE MODIFICACIÓN DE CRÉDITO NÚM 6/2000

Pola Presidencia dase conta de expediente de modificación de crédito núm. 6/2000.

O Concello Pleno quedou enterado do contido do citado expediente de modificación de crédito.

6.-REVISIÓN DE PREZOS CONTRATO ASINADO POR "SERAGUA, S.A.-FOMENTO DE CONSTRUCCIONES Y CONTRATAS, S.A., UTE-REDONDELA", CON ESTE CONCELLO.

Pola Presidencia dase conta a este Concello Pleno, de dictame da Comisión Informativa de Economía, Facenda e Desenvolvemento Local, de data 9 de maio de 2000, que dí:

Pola Presidencia dase conta do seu dictame de data 4 de maio de 2000, que dí:



"Visto o escrito presentado por "Seragua, S.A. - Fomento de construcciones y contratas, S.A., unión temporal de empresas" do 29.10.99, rexistro de entrada neste Concello número 6.696 así como o expediente administrativo en trámite neste Concello.

Visto o acordo adoptado polo Concello Pleno o día 31.01.00 referido á aprobación da modificación provisoria da disposición final e do anexo (parcialmente) da ordenanza fiscal reguladora das taxas por servicios de distribución de auga neste Concello.

Vistas as tres reclamacións formuladas durante o período de exposición ó publico do expediente administrativo.

Tendo en conta o establecido nas condicións 85ª a 94ª do "Pliego de condiciones económico-administrativas que ha de regir el concurso para la concesión de la gestión integral del servicio municipal de abastecimiento de agua y saneamiento de agua" no Concello de Redondela.

Visto o informe do Interventor Xeral do Concello do 04.05.00 (referencia T 35/00), e consonte ó indicado no mesmo con respecto á desestimación das reclamacións formuladas durante o período de exposición ó publico do expediente.

Dado que nengunha das reclamacións formuladas afecta directamente á aplicación da fórmula prevista na condición 86ª.2 do Prego antes citado, (en función da variación dos custos básicos da prestación do servizo de auga segundo os prezos dos diversos factores que integran aquel) nen cuestiona a legalidade e contias dos factores e coeficientes aplicados.

O Presidente da comisión informativa de economía, facenda e desenvolvemento local propónlle ó Concello Pleno a adopción dos seguintes acordos:

"Primeiro.- Resolver tódolos reparos formulados polo Interventor Xeral do Concello de Redondela nun informe do 04.05.00, referencia T 35/00.

Segundo.- Desestimar íntegramente as reclamacións formuladas por don Gonzalo Balo Mosquera (en representación da <Asociación de veciños de Chapela>) dona Marina González Ramonet, en calidade de <Presidenta e membro da asociación de veciños Abrente de Redondela>), e don Ramón Rodríguez Carrera (en calidade de <Presidente da asociación de veciños de Cesantes>).

Terceiro.- Aprobar definitivamente a modificación da disposición final e o anexo (parcialmente) da ordenanza fiscal reguladora da taxa por servicios de distribución de auga neste Concello, que quedarán redactados do seguinte xeito:

<Disposición Final.- A presente ordenanza fiscal entrará en vigor o día da súa publicación no BOP; permanecendo en vigor ata a súa modificación ou derogación expresas.

Serie A N.º 1175863

ANEXO

Primeiro.- Tarifa

A) Consumo de auga:

A.1 Consumo doméstico:

- A.1.1. Ata 10 m³ ó mes 42,68 Pts/m³.
A.1.2. Cada novo m³ ou fracción
que exceda de 10 m³ ó mes..... 60,09 Pts/m³.

A.2 Resto de consumos:

- A.2.1. Ata 10 m³ ó mes 53,41 Pts/m³.
A.2.2. De 10 m³ a 50 m³ ou fracción..... 66,76 Pts/m³.
A.2.3. Cada novo m³ ou fracción
que exceda de 50 m³ ó mes 86,80 Pts/m³.

En todo caso, a facturación mínima farase por 10 m³ ó mes, e 30 m³ ó trimestre, con independencia dos posibles consumos menores.

B) Cuota de servizo:

- B.1 Mensualmente, por aboado e para cada
tipo de consumo..... 401 Pts>.

O resto do anexo non varia.

Cuarto.-Publicar o texto íntegro da modificación da ordenanza fiscal no Boletín Oficial da Provincia, sen que entre en vigor a modificación ata a data da citada publicación.

Quinto.-Enviar unha fotocopia do expediente administrativo á Comisión de Precios da Dirección Xeral de Comercio e Consumo".

Previa deliberación, a Comisión Informativa de Economía, Facenda e Desenvolvemento Local, cos votos en contra do PP (3), e os votos a favor do PSdeG-PSOE (4) e do B.N.G. (2), acordou:

Primeiro.- Dictaminar favorablemente a proposta do Presidente da Comisión transcrita.

Segundo.- Que se proceda á tramitación dos expedientes que sinala o Sr. Interventor no seu informe de data 4.05.00, Rfª.- T 35/00.

Pola Presidencia ábrese o correspondente turno de debate.



Concedida a palabra pola Presidencia polo Concelleiro Sr. González Iglesias se sinala que o incremento de cinco pesetas metro cúbico na auga imposto polo Concello de Vigo é responsabilidade exclusiva do goberno anterior por non executar a moción aprobada neste Pleno de reclamar contra a citada subida.

Concedida a palabra pola Presidencia polo Sr. Pazos Docampo, polo mesmo se sinala que o BNG, vai a manter neste asunto a posición da Comisión Informativa correspondente.

Concedida a palabra pola Presidencia ó Sr. Conde Romero, por éste maniféstase que o Concello permite que Seragua incumpla coas inversións previstas e por outro lado propíciase que a referida empresa gane máis co incremento do coste de auga, indicando que o aumento de sesenta pesetas metro cúbico ó considera excesivo e remata decindo que votará en contra do dictame da Comisión Informativa referente a este asunto xa que non é serio e responsable que unha casa pechada pague dez mil pesetas de auga como mínimo, mostrandose contrario o aumento mentras Seragua non mostre que cumpre co Prego de cláusulas no referente ás inversións.

Concedida a palabra pola Presidencia polo Concelleiro Sr. González Iglesias, polo mesmo se sinala que a revisión de prezos é igual en calquera Concello e que non é un invento de Redondela e que o servicio subirá sobre cincocentas pesetas nos tres meses, habendo de ter en conta que non se subiu dende o 1994 estimando que a subida non é desproporcionada nen abusiba e que si houbera subido ano por ano agora o aumento sería menor e dille ó Concelleiro Sr. Conde Romero que lle pregunte ós que tiñan que subila auga porque non ó fixeron.

Continúa a súa intervención o Sr. González Iglesias considerando que a subida é soportable por calquera e que agora Seragua non vai a ter disculpa para os seus incumprimetos futuros no asunto das inversións, manifestando doutro xeito que veciños que non teñen servicio de Seragua non teñen porque soportar o aumento por aqueles que si dispñen dese servicio sinalando doutro xeito que aqueles veciños que non teñen recursos non pagan nin auga nen saneamento.

Concedida a palabra pola Presidencia ó Concelleiro Sr. Pazos Docampo, polo mesmo se sinala que polo Concelleiro Sr. Conde Romero non se sigue o debate correspondente a este asunto do orde do día e que é o de estimar ou non as alegacións relativas o aumento das tarifas da auga.

Concedida a palabra pola Presidencia o Concelleiro Sr. Conde Romero, polo mesmo se sinala que o PSdeG-PSOE debe esixir a Seragua en primeiro lugar o cumprimento das inversións e logo acometer o tema da subida da mesma, decindo que hai Concellos que cobran a auga só se se consume.

Concedida a palabra pola Presidencia polo Concelleiro Sr. González Iglesias polo mesmo se sinala que so hai tres Concellos que son Nigrán, Baiona e Sanxenxo os que se refire o Sr. Conde Romero e que houbo peleas para coller eses servicios, indicando que

Serie A N.º 1175864

non lle gusta subir os impostos incluso despois de realizarse pola empresa as correspondentes inversións.

Remata a súa intervención o Sr. González Iglesias, manifestando que a empresa fai tres anos que plantexou unha subida do cincuenta por cento e naqueles intres polo PP se estaba de acordo e que agora se está en desacordo con un vinte por cen de aumento, aludindo que agora se acude a criterios demagóxicos e indicandolle ó Sr. Conde Romero que compare os prezos da auga neste Concello cos de outros Concellos gobernados polo PP.

Non habendo unanimidade de criterios pola Presidencia sométese a votación o referido dictamen.

Efectuada esta obtivo o seguinte resultado votan en contra os/as Sres/as Concellerios/as do PP (6), votan a favor os/as Sres/as Concelleiros/as do PsdeG-PSOE (9) e os/as Sres/as Concelleiros/as do BNG (4), na súa consecuencia por maioría de votos resultou aprobado o citado dictame da Comisión Informativa.

7.-IMPOSICIÓN E ORDENACIÓN DA TAXA POLA PRESTACIÓN DOS SERVIZOS DE RETIRADA, TRANSPORTE E CUSTODIA DE INSTALACIÓNS, ELEMENTOS E XÉNEROS RELATIVOS AO EXERCICIO DE CALQUERA ACTIVIDADE OU COMERCIO NA VÍA PÚBLICA SEN LICENCIA MUNICIPAL E OUTROS PRESTADOS POR CAUSAS EXCEPCIONAIS, E APROBACIÓN PROVISORIA DA ORDENANZA FISCAL REGULADOR ADO TRIBUTO.

Pola Presidencia dase conta do dictame da Comisión Informativa de Economía, Facenda e Desenvolvemento Local, de data 7 de maio de 2000, que dí:

Pola Presidencia dase conta da Proposta do Presidente da Comisión de Interior de data 8 de Maio do 2000, que transcrita dí:

"Visto o expediente administrativo correspondente á ordenanza fiscal reguladora da taxa pola prestación dos servizos de retirada, transporte e custodia de instalacions, elementos e xéneros relativos ao exercicio de calquera actividade ou comercio na vía pública sen licencia municipal e outros prestados por causas excepciónais.

De conformidade co indicado nun informe do Interventor Xeral deste Concello, do 14.04.00 (referencia T 28/00), páxinas 22 a 32 do expediente, este Concelleiro proponse ao Concello Pleno a adopción dos seguintes acordos:

"Primeiro.- Acordar a imposición e ordenación da taxa pola prestación dos servizos de retirada, transporte e custodia de instalacions, elementos e xéneros relativos ao exercicio de calquera actividade ou comercio na vía pública sen licencia municipal e outros prestados por causas excepciónais.

Segundo.- Aprobar provisoriamente a ordenanza fiscal reguladora do tributo co seguinte texto:



<Ordenanza fiscal reguladora da taxa pola prestación dos servizos de retirada, transporte e custodia de instalacións, elementos e xéneros relativos ó exercicio de calquera actividade ou comercio na vía pública sen licencia municipal e outros prestados por causas excepciónais.

Artigo 1.- Natureza e fundamento.

No uso das facultades concedidas polos artigos 133.2 e 142 da Constitución, 106 da Lei 7/1985 do 2 de abril, Reguladora das Bases de Réxime Local, 20 e 56 da Lei 39/1988 do 28 de decembro, Reguladora das Facendas Locais, e de conformidade co disposto nos artigos 15 a 19 da citada Lei 39/1988 do 28 de decembro, acordase a imposición e ordeación da taxa pola prestación dos servizos de retirada, transporte e custodia de instalacións, elementos e xéneros relativos ó exercicio de calquera actividade ou comercio na vía pública sen licencia municipal e outros prestados por causas excepciónais.

Artigo 2.- Feito imponible.

Constitúe o feito imponible da presente taxa a prestación pola Administración Local dos seguintes servizos:

A) Retirada, transporte e custodia de instalacións, elementos e xéneros relativos ó exercicio de calquera actividade ou comercio na vía pública, ou en dominio público municipal, sen licencia en concordancia co disposto no "Regulamento municipal regulador da venda ambulante no Concello de Redondela"

B) Servizos similares os anteriores ordeados por resolución do Alcalde, Comisión de Goberno ou Concello Pleno por causa de forza maior, orde pública, ruína, seguridade de persoas e bens e outros.

Artigo 3.- Suxeitos Pasivos.

Serán suxeitos pasivos desta taxa os vendedores/as e/ou responsables por calquera título dos elementos, instalacións e xéneros obxecto da retirada e custodia.

Serán responsables solidarios das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei Xeral Tributaria; sendo responsables subsidiarios os administradores das sociedades e os síndicos, interventores e liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

Artigo 4.- Nacemento da obriga tributaria.

A obriga de contribuir por esta taxa nace no momento en que os funcionarios municipais se fagan cargo das instalacións, elementos e xéneros para o seu transporte a un depósito municipal e posterior custodia.

Serie A N.º 1175865

Artigo 5.- Beneficios fiscais.

Estarán exentos do pagamento da taxa regulada nesa ordenanza determinados servizos comprendidos no apartado B) do artigo 2º desta ordenanza cando a resolución do órgano competente que ordene a súa realización así o dispoña.

Artigo 6.- Cota.

1.- Nas prestacións dos servizos sinalados no apartado A) do artigo 2º desta ordenanza aplicaranse as seguintes cotas:

1.1 Por retirada e transporte..... 8.000 Ptas.

1.2 Por custodia. Cada día completo ou fracción..... 500 Ptas.

2.- Nas prestacións de servizos sinalados no apartado B) do artigo 2º desta ordenanza aplicaranse as seguintes cotas:

2.1 Por retirada e transporte .

Por cada metro cúbico..... 8.000 Ptas.

2.2 Por custodia. Cada día completo ou fracción.

e por cada metro cúbico..... 500 Ptas

Artigo 7.- Ingreso.

1.- O ingreso da taxa regulada nesta ordenanza realizarase polo procedemento de autoliquidación en impreso regulamentario que facilitará a Policía Local sendo indispensable o pagamento para a retirada dos elementos custodiados.

2.- Os funcionarios responsables deste servizo verificarán , antes da entrega dos bens custodiados, a corrección da autoliquidación practicada, en particular o número de días naturais de duración da custodia.

Artigo 8.- Infraccións e sancións tributarias.

1.- En materia de infraccións tributarias e as súas distintas calificacións, así como respecto das sancións que procedan, estarase ó disposto na Lei Xeral Tributaria e restante normativa de aplicación.

2.- As sancións por infracción tributaria a que se refire o apartado anterior serán compatibles e independentes das que procedan de conformidade co "Regulamento municipal regulador da venda ambulante no concello de Redondela".



Disposicións finais.

1ª No non previsto nesta ordenanza será de aplicación a Lei Xeral Tributaria e restante normativa de aplicación.

2ª A presente ordenanza entrará en vigor e comezará a aplicarse o día seguinte da súa publicación no Boletín Oficial da Provincia, permanecendo vixente en tanto non se acorde a súa modificación ou derogación expresas>.

Terceiro.- Publicar anuncio de exposición pública, durante trinta días hábiles, do acordo no taboleiro de anuncios do Concello, no Boletín Oficial da Provincia e nun diario dos de maior difusión provincial, ao obxecto de que os interesados e as interesadas poidan examinar o expediente e presentar por escrito as reclamacións que consideren oportunas.

Cuarto.- Entender definitivamente aprobada a ordenanza no suposto de que non foran presentadas reclamacións, sen necesidade de novo acordo plenario naquel sentido.

Quinto.- Publicar, rematado o prazo de exposición ao público e no caso de ausencia de reclamacións, o acordo imposición e ordenación do tributo e o texto integro da ordenanza no Boletín Oficial da Provincia".

A Comisión Informativa de Economía, Facenda e Desenvolvemento Local, por unanimidade dos/as Sres./as Concelleiros/as asistentes, acordou dictaminar favorablemente a proposta do Presidente da Comisión Interior anteriormente transcrita, e propoñer ó Concello Pleno, a súa aprobación.

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación ó dictamen da Comisión Informativa antes transcrito.

8.-ADQUISICIÓN DE NAVE PARA SERVICIOS MÚLTIPLES: PLURIANUALIDADE DO GASTO.

Pola Presidencia dase conta do dictame da Comisión Informativa de Economía, Facenda e Desenvolvemento Local, de data 9 de maio de 2000, que dí:

Pola Presidencia dase conta da súa Proposta de data 8 de Marzo do 2000, que transcrita dí:

"Tendo en conta a urxente necesidade de que o Concello de Redondela conte cunha nave para servizos múltiples.

Tendo en conta que o gasto a realizar estimado é de 32.000.000 de pesetas.

Serie A N.º 1175866

Coa finalidade de poder tramitar o expediente administrativo referido á adquisición da nave citada durante o ano 2.000, e ao abeiro do establecido no artigo 155.2.a) da Lei 39/1988 do 28 de decembro, Reguladora das Facendas Locais, este Concelleiro propónlle ao Concello Pleno a adopción dos seguintes acordos:

"Primeiro.- Declarar, ao abeiro do establecido no artigo 155.2.a) da Lei 39/1988 do 28 de decembro, Reguladora das Facendas Locais, como gasto plurianual deste Concello a adquisición dunha nave para servizos múltiples por un importe total máximo do investimento de 32.000.000 de pesetas.

Segundo.- O número de anualidades e exercicios aos que se aplicará o gasto plurianual, as súas contías e porcentaxes serán os seguintes:

Anualidade	Exercicio	Pesetas	Porcentaxe
1ª	2000	16.000.000	50%
2ª	2001	8.000.000	25%
3ª	2002	8.000.000	25%

Terceiro.-Incluir no estado de gastos do orzamento deste Concello para o ano 2000 crédito por importe de 16.000.000 de pesetas correspondente á primeira anualidade do gasto citado".

Previa deliberación, a Comisión Informativa de Economía, Facenda e Desenvolvemento Local, coa abstención do Grupo Municipal do PP, e os votos a favor dos Grupos Municipais do PSdeG-PSOE (4) e do BNG (2), dictaminou favorablemente a Proposta da Presidencia da Comisión transcrita, e na súa consecuencia acordou propoñer ó Concello Pleno, a súa aprobación.-

Pola Presidencia ábrese o correspondente turno de debate.

Concedida a palabra pola Presidencia polo Concelleiro Sr. Conde Romero se sinala que non se negociu ben este asunto e que podería conseguirse mellor resultado indicando que o peor é o nome que se lle dá a nave en cuestión ó referirse a servizos múltiples, manifestando que Deus queira que así non sexa, e remata a súa intervención decindo que votará a favor deste asunto.

Concedida a palabra pola Presidencia polo Concelleiro Sr. González Iglesias manifestase que xa o PSdeG-PSOE manifestou na correspondente Comisión Informativa a súa intención de delegar esta xestión no Concelleiro Sr. Conde Romero si obtiña mellores condicións e remata a súa intervención indicando que o terreno en cuestión en solo industrial e en primeira linea de praia constitue un regalo.

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación ó dictame da Comisión Informativa antes transcrita.



EL NUMERADO
CORPORACIÓN
LOCAIS

9.-CORRECCIÓN DE ERROS MATERIAIS NO ACORDO ADOPTADO POLO CONCELLO PLENO O DÍA 30.03.00, REFERIDO Ó RECOÑECIMENTO EXTRAXUDICIAL DE CRÉDITOS.

Pola Presidencia dase conta do dictame da Comisión Informativa de Economía, Facenda e Desenvolvemento Local, de data 9 de maio de 2000, que dí:

Pola Presidencia dase conta de proposta do Presidente da Comisión de data 8 de Maio do 2000, que transcrita dí:

Visto o acordo adoptado polo Concello Pleno o día 30.03.00 referido ao recoñecemento extraxudicial de créditos por importe de 57.610.751 pesetas.

Observados erros materiais na contía dos créditos declarados dispoñibles por importe de 65.000.000 de pesetas en catro partidas do orzamento prorrogado deste Concello para o ano 2000, dado que o crédito total da partida 00 1211A 226 20 é de cincocentas mil (500.000) pesetas, polo que non é posible declarar dispoñible crédito na partida citada por importe superior ao indicado.

Coa finalidade de correxir os erros materiais citados, cumprir o acordo plenario e contabilizar adecuadamente os correspondentes gastos, este Presidente proponlle ao Concello Pleno a adopción dos seguintes acordos:

Primeiro.-

Correxir os erros materiais observados no acordo adoptado polo Concello Pleno o día 30.03.00 (punto 5 "recoñecemento extraxudicial de créditos") e, en consecuencia onde se acordou:

<Primeiro.-

Declarar, ao abeiro do establecido na disposición transitoria cuarta das bases de execución do orzamento xeral deste Concello para o ano 1999 (actualmente prorrogado), a dispoñibilidade de créditos, nas partidas e contías seguintes do estado de gastos do orzamento prorrogado deste Concello para o ano 2000:

Partida	Destino	Pesetas
00 1211A 226 20	Recoñecementos extraxudiciais de créditos.....	13.515.144
00 4321A 226 20	Recoñecementos extraxudiciais de créditos.....	9.098.617
00 4511A 226 20	Recoñecementos extraxudiciais de créditos.....	17.442.015

Serie A N.º 1175867

00 5111A 226 20

Recoñecementos extraxudiciais
de créditos.....

24.944.224

Total.....**65.000.000>**

Deberase entender acordado, coa corrección dos erros materiais, o seguinte:

<Primeiro.-

Declarar, ao abeiro do establecido na disposición transitoria cuarta das bases de execución do orzamento xeral deste Concello para o ano 1999 (actualmente prorrogado), a disponibilidad de créditos, nas partidas e contías seguintes do estado de gastos do orzamento prorrogado deste Concello para o ano 2000:

Partida	Destino	Pesetas
00 1211A 226 20	Recoñecementos extraxudiciais de créditos.....	500.000
00 4321A 226 20	Recoñecementos extraxudiciais de créditos.....	20.098.617
00 4511A 226 20	Recoñecementos extraxudiciais de créditos.....	19.457.159
00 5111A 226 20	Recoñecementos extraxudiciais de créditos.....	24.944.224
	Total.....	65.000.000

Segundo.-

Así mesmo entenderanse correxidas tódalas partidas de imputación dos créditos recoñecidos por importe de 57.610.751 pesetas en función da variación das contías declaradas dispoñibles indicadas no punto anterior."

Previa deliberación, a Comisión Informativa de Economía, Facenda e Desenvolvemento Local, por unanimidade dos/as Sres/as Concelleiros/as asistentes, dictaminou favorablemente a Proposta do Presidente da Comisión transcrita, e na súa consecuencia acordou poñer ó Concello Pleno a súa aprobación.-

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación á proposta antes transcrita.



NUMERADO
CORPORACIÓN
LOCAIS

10.-PROPOSTA COMISIÓN INFORMATIVA DE URBANISMO EN RELACIÓN CON CORRECCIÓN DE ERROS NAS NORMAS SUBSIDIARIAS DE PLANEAMIENTO.

Pola Presidencia dase conta da proposta da Comisión Informativa de Urbanismo na súa xuntanza de 13 de abril de 2000, que dí:

Con data 6 de novembro de 1987 aprobaronse definitivamente, por acordo da Comisión Provincial de Urbanismo, as Normas Subsidiarias de Planeamento de Ámbito Municipal de Redondela, téndose publicadas no Boletín Oficial da Provincia nº 85 de 14 de abril de 1988.

A documentación grafiada realizouse sobre cartografía a esc. 1:5000, e para os planos de detalle, a esc. 1:2000, sobre plano parcelario do Instituto Xeográfico e Catastral.

No transcurso da vixencia das devanditas Normas teñense observado reiterados erros nas parcelas grafiadas, contradicións entre os planos a escala 1:5000 e 1:2000, erros de calificación por mal grafiado das bases, ou ben contradicións entre a realidade e a documentación das Normas.

Na súa virtude, e a vista dos expedientes promovidos polos particulares que logo se citan e do informe favorable emitido polo Arquitecto Asesor Municipal e mailo Secretario Xeral do concello a Comisión Informativa de Urbanismo, en votación ordinaria e por unanimidade dos/a señores/a asistentes estimou oportuno propoñer ó Concello Pleno a corrección dos seguintes erros no Documento das Normas Subsidiarias de Planeamento de Ámbito Municipal de Redondela.

1) MODIFICACIÓN DO PARCELARIO

I.1).- PROPOSTA

Propónse a corrección dos erros detectados no grafiado dos planos a escala 1:2000, sinalados e xustificados polos propietarios afectados.

I.2) .-XUSTIFICACIÓN DA PROPOSTA

O artigo 105.2) da Lei 30/1992, de 26 de novembro, modificada pola Lei 4/1999, di "As administración públicas poderán, asimesmo, rectificar en calquera momento, de oficio ou a instancia dos interesados, os erros materiais, de feito ou aritméticos existentes nos seus actos", e por outra banda na Normativa e Ordenanzas das Normas Subsidiarias de Planeamento de Ambito municipal, no seu artigo 11.3 establece: si se deran contradicións entre o plano e a realidade prevalecerá esta última. Polo tanto procede a modificación dos planos parcelarios recollendo a realidade existente.

Serie A N.º 1175868

I.3).- PARCELAS QUE SE PROPÓN MODIFICAR

- Ricardo Pérez Pérez, parcela sita en Pregal- San Esteban de Negros, plano P-17 a escala 1:2000 das Normas Subsidiarias de Planeamento Municipal.

- Jesús Barreiro García, parcela sita en Cidadelle-Chapela, Plano P-1 a escala 1:2000 das Normas Subsidiarias de Planeamento Municipal.

De acordo coa documentación adxunta.

II.- CONTRADICCIÓN NA CLASIFICACIÓN DO SOLO**II.1.- PROPOSTA**

Proponse a corrección de erro por contradicción entre os planos a escala 1:2000 e 1:5000.

II.2.- XUSTIFICACIÓN DA PROPOSTA

O artigo 105.29 da Lei 30/1992, de 26 de novembro, modificada pola Lei 4/1999, di: As administracións públicas poderán, asimesmo, rectificar en calquera momento, de oficio ou a instancia dos interesados, os erros materiais, de feito ou aritméticos existentes nos seus actos, e por outra banda na Normativa e Ordenanzas das Normas Subsidiarias de Planeamento de Ámbito Municipal, no seu artigo 11.3 establece:..... na documentación gráfica prevalecerán os planos a escala 1:2000 sobre a escala 1:5000....

Polo tanto procede a corrección de erros cando se den os supostos anteriores.

III.3.- CONTRADICCIÓN QUE SE PRETENDE RECTIFICAR

Delimitación do Solo non urbanizable de núcleo existente tradicional con inclusión da finca de D. Enrique Pérez Amado, según documentación adxunta.

Non habendo unanimidade de criterios pola Presidencia sométese a votación este asunto.

Efectuada esta obtívose o seguinte resultado: votan en contra os/as Sres/as Concelleiros/as do PP (6); votan a favor os/as Sres/as Concelleiros/as do PSdeG-PSOE(9) e os/as Sres/as Concelleiros/as do BNG (4). Na súa consecuencia e por maioría de votos resultou aprobada a proposta antes transcrita.

Xustificación de voto: Polo Concelleiro Sr. Conde Romero xustifícase o voto en contra do PP neste asunto en base a continua corrección de erros nos documentos das Normas Subsidiarias de este Concello.



11.-PROPOSTA DO PRESIDENTE DA COMISIÓN INFORMATIVA DE INTERIOR SOBRE MODIFICACIÓN REGULAMENTO ORGANICO DO CONCELLO.

Pola Presidencia dase conta do dictame da Comisión Informativa de Interior, de data 27 de abril de 2000, que dí:

"Pola Presidencia, dase conta do expediente referenta á aprobación inicial do REGULAMENTO ORGÁNICO DO CONCELLO DE REDONDELA, así como da alegación presentada á mesma durante o período de exposición pública (nº 2219 de rexistro de entrada) polo Grupo Municipal do Partido Popular, que na súa parte sustantiva dí:

"O ARTIGO 20, do devandito Regulamento dí: "As preguntas terán resposta do equipo de goberno, e non darán lugar a debate nin acordo", formulamos alegación contra a mesma, debendo quedar redactado do seguinte xeito: "As preguntas terán resposta do equipo de goberno, e darán lugar a un pequeno debate, dunha intervención por parte do que realiza e do que responde á pregunta, se o interlocutor que formulou a pregunta estima que non recibiu resposta por parte do grupo de goberno"

Aberta a votación pola Presidencia sobre o dictame da alegación presentada, votan a favor os membros do PP(3), votan en contra o resto dos membros do Comisión presentes (6).

Na súa consecuencia, pola Comisión Informativa de Interior dictaminouse desfavorablemente a alegación presentada polo Grupo Municipal do Partido Popular á aprobación inicial do Regulamento Orgánico do Concello de Redondela."

Pola Presidencia ábrese o correspondente turno de debate.

Concedida a palabra pola Presidencia polo Concelleiro Sr. Pazos Docampo, por éste defendese o dictame da Comisión Informativa e afirma que o Concello de Redondela é o único Concello do estado que ten regulada esa materia e remata a súa intervención decindo que non cree que se deban estimar as alegacións do PP neste asunto por improcedentes.

Concedida a palabra pola Presidencia polo Concelleiro Sr. Conde Romero se sinala que non ve que problema podería existir que se regulase que no concerniente a rogos e preguntas se poidese establecer un pequeno debate.

Concedida a palabra pola Presidencia polo Concelleiro Sr. Nuñez Salgado se indica que si ben o Concello de Redondela é o único Concello que plantexa o control do Pleno parece que o PP non é congruente xa que o PP neste Concello pretende ser o rodillo da oposición, dando conta do que dí o regulamento organico sobre o asunto do que falou indicando que parece que o Sr. Conde Romero non leu o regulamento e que PP non utiliza os mecanismos que lle dan as leis e os regulamentos.

Serie A N.º 1175869

Concedida a palabra pola Presidencia polo Concelleiro Sr. Conde Romero se sinala que o Concelleiro Sr. Pazos Docampo que cobra deste Concello, utiliza un despacho, as máquina e incluso funcionarios deste Concello para asuntos do BNG.

Concedida a palabra pola Presidencia polo Concelleiro Sr. Pazos Docampo, interesase deste Secretario que se recolla en acta o dito polo Sr. Conde.

Continúa a súa intervención o Concelleiro Sr. Pazos Docampo indicando que o Sr. Conde Romero non fala de asunto correspondente o punto do Orde do día que se esta debatindo e que o Concelleiro Sr. Conde Romero está mellor remunerado que él polo Concello de Redondela tendo en conta as horas que o mesmo lle dedica ó Concello e que o que fala non ten no seu despacho nen máquinas nen ordenadores nen lle dixo nunca a ningún funcionario que lle fixera moción do BNG e remata a súa intervención considerando as acusacións do Concelleiro Sr. Conde Romero de falsas e mal intencionadas e sen proba algunha que poida avalalas.

Concedida a palabra pola Presidencia polo Concelleiro Sr. Conde Romero por éste dirixíndose o Concelleiro Sr. Nuñez Salgado indicalle que a veces non se lle deixa intervir ó mesmo nas Comisións Infomartivas.

Concedida a palabra pola Presidencia polo Concelleiro Sr. Nuñez Salgado, por éste sinálase que non é certo que non se lle deixe intervir nas citadas Comisións Informativas, o que ocorre é, como xa se lle explicou é que o Sr. Conde Romero presenta unha proposta e logo fala de outra cousa distinta.

Non habendo unanimidade de criterios pola Presidencia sométese a votación este asunto.

Efectuada esta obtívose o seguinte resultado: votan en contra os/as Sres/as Concelleiros/as do PP (6); votan a favor os/as Sres/as Concelleiros/as do PSdeG-PSOE(9) e os/as Sres/as Concelleiros/as do BNG (4). Na súa consecuencia e por maioría de votos resultou aprobado o dictame antes transcrito.

12.-APROBACIÓN DEFINITIVA MODIFICACIÓN REGULAMENTO CONSELLOS MUNICIPAIS PARROQUIAIS.

Pola Presidencia dase conta a este Concello Pleno do expediente de modificación do Regulamento dos Consellos Municipais Territorias Consellos Municipais Parroquias, donde consta proposta da Concelleira Delegada de Participación Cidadá de data 22 de novembro de 1999, dictame da Comisión Informativa de Interior de data 28 de decembro de 1999, acordo plenario de aprobación inicial de data 31 de xaneiro de 2000, e certificación de exposición pública do mesmo na que se fai constar que non se produciron reclamacións durante dito periodo de exposición.

Pola Presidencia ábrese o correspondente turno de debate.



EL NUMERADO
CORPORACIÓN
LOCAIS

Concedida a palabra pola Presidencia, polo Concelleiro Sr. Conde Romero, sinálase que votará en contra deste asunto, porque con este Regulamento se pecha a porta a distintas asociacións de veciños.

Non habendo unanimidade de criterios pola Presidencia sométese a votación este asunto.

Efectuada esta obtívose o seguinte resultado: votan en contra os/as Sres/as Concelleiros/as do PP (6); votan a favor os/as Sres/as Concelleiros/as do PSdeG-PSOE(9) e os/as Sres/as Concelleiros/as do BNG (4). Na súa consecuencia e por maioría de votos resultou aprobado definitivamente o Regulamento ante citado.

13.-PROPOSTA DO PRESIDENTE DA COMISIÓN INFORMATIVA DE DEPORTES SOBRE APROBACIÓN MODIFICACIÓN PROXECTO CAMPO DE FUTBOL DE SANTA MARIÑA.

Pola Presidencia dase conta da proposta do presente da Comisión Informativa de Deportes, de data 6 de abril de 2000, que dí:

Por acordo plenario de 24 de maio de 1999, aprobouse o proxecto técnico redactado polo Enxeñeiro de Camiños D. Manuel Cameans Rodríguez, para construción dun novo Campo de Fútbol en Santa Mariña, así como a adhesión ó convenio de Cooperación suscrito entre a Xunta de Galicia e a Deputación Provincial de Pontevedra con data 9 de setembro de 1997, sobre construción e reforma de instalacións deportivas, manifestando a aceptación plena e sen reserva algunha de tódalas e cada unha das cláusulas que o integran.

Ante a imposibilidade de levar a cabo o devandito proxecto, dado que o terreo de xogo o estar situado en zona de marisma, non pode estar dotado de herba natural, así como outras modificacións puntuais que se consideran convintes introducir, polo enxeñeiro autor do proxecto primitivo Sr. Cameans Rodríguez, redactouse un modificado ó mesmo. Examinado este, a Presidencia ven en solicitar á Comisión Informativa de Deportes propoñer ó Concello Pleno a adopción do seguinte acordo:

Aprobar o proxecto modificado de campo de fútbol en Santa Mariña, en substitución do proxecto anteriormente aprobado.

Pola Presidencia ábrese o correspondente turno de debate.

Concedida a palabra pola Presidencia polo Concelleiro Sr. Núñez Salgado, se sinala que o campo de fútbol de Santa Mariña supón unha vergoña para este Concello pola falta de iluminación, vestiarios, así como polo estado do campo e que si ben, se ten feito modificacións do mesmo, se sigue a estar na cola dos Concellos incluso doutros mais pequenos.

Continúa a súa intervención o Concelleiro Sr. Nuñez Salgado decindo que o proxecto referente ó campo de fútbol Santa Mariña existente neste Concello pola

Serie A N.º 1175870

característica do terreo precisaba dun pilotaxe o que encarecía o seu orzamento e por iso se fixo unha modificación que contempla a grada, servicios, cantina, vestiario novo, así como herba artificial, preténdendose abaratar costes coa modificación pretendida e ramata a súa intervención indicando que a subvención concedida para o campo de fútbol se base nun plan catrienial e que se non se fai agora se vai a tardar polo menos outros catro anos.

Concedida a palabra pola Presidencia ó Concelleiro Sr. Pazos Docampo, por éste manifestase de que aparte as instalacións do campo de fútbol de Santa Mariña son insuficiente e inadecuadas coa proposta de modificación do proxecto do citado campo non se vai a solucionar a situación do Concello de Redondela, considerando que debe facerse un campo de fútbol novo noutro lugar, e que por outro lado o investimento en Santa Mariña, según o plan previsto para catro anos será en detrimento das instalacións deportivas na totalidade do Concello.

Concedida a palabra pola Presidencia polo Concelleiro Sr. Conde Romero, falase de Almendralexo e que non importa que sexa de primeira ou de segunda, senón que se teñan instalacións adecuadas e propón que as actuacións se fagan no campo de fútbol de Santa Mariña e que asimesmo se mellora o entorno como o campo de tenis indicando que a instalación de herba artificial máis cara non sexa a costa das gradas e que se manteña o anterior proxecto e que se é preciso que o Concello aporte o diñeiro necesario si hai un incremento de coste, entendendo que se non se aproba esta modificación do proxecto enténdese aprobado o proxecto anterior, pedíndoselle o Sr. Secretario que informe respecto do manifestado ultimamente por este Sr. Concelleiro.

Coa debida autorización do Sr. Presidente polo Sr. Secretario informase que o acordo a adoptar refírese soamente á proposta de modificación do proxecto sen ter en conta referencia algunha ó proxecto anterior.

Concedida a palabra pola Presidencia ó Concelleiro Sr. Nuñez Salgado, polo mesmo se sinala que Santa Mariña é o lugar ideal para instalación do campo de fútbol polos perxucios que existirían para os rapaces que o utilizan se se leva para outro sitio distinto do centro de Redondela, remata a súa intervención manifestando que si ben para uns Concelleiros e moita inversión para outros os do PP é escasa.

Concedida a palabra pola Presidencia polo Concelleiro Sr. Pazos Docampo sinálase que o campo de fútbol de Santa Mariña coa súa proposta non tiña porque desaparecer senón que habería dous campos de fútbol o novo e o de Santa Mariña que podería mellorarse.

Concedida a palabra pola Presidencia polo Concelleiro Sr. Conde Romero sinálase que o PSdeG-PSOE non quere a herba natural pola carestía do seu mantemento e que sí quere unha herba artificial que ten un maior custe, e remata a súa intervención decindo que aínda que se implante a herba artificial que non o sexa en detrimento de outras instalacións do citado campo en relación co proxecto inicial.



Non habendo unanimidade de criterios pola Presidencia sométese a votación este asunto.

Efectuada ésta obtívose o seguinte resultado: votan en contra os/as Sres/as Concelleiros/as do PP (6) e os Sres/as Concelleiros/as do BNG (4); votan a favor os/as Sres/as Concelleiros/as do PSdeG-PSOE(9). Na súa consecuencia e por maioría de votos resultou rexeitada a proposta antes transcrita.

14.-DICTAMEN DA COMISIÓN INFORMATIVA DE CULTURA SOBRE ESCRITO DA SOCIEDADE LABREGO CULTURAL DE REBOREDA EN SOLICITUDE DE DARLLE NOME O VAL EN S.P. ABAIXO-REBOREDA.

Pola Presidencia dase conta do dictame da Comisión Informativa de Cultura, de data 3 de maio de 2000, que dí:

Dase conta do escrito asinado polo Presidente da Sociedade L. Cultural de Reboreda que transcrito dí:

"A Sociedade L. Cultural de Reboreda fai entrega dun conxunto de firmas de veciños desta Parroquia co fin de que o Pleno do Concello de Redondela tome acordo de darlle o nome de A REBORAINA ó vial que vai dende a encrucillada, no Barrio de Santo Paio de Abaixo, ata o lugar do Cristo, no mesmo Barrio de Santo Paio de Abaixo.

Esta solicitude está incluída dentro das accións que esta entidade está a realizar co ánimo de recuperar a toponimia da Parroquia, xa aprobada anteriormente polo Pleno do Concello, e que consiste, principalmente, en colocar unhas placas identificativas de camiños e lugares".

A Comisión, en votación ordinaria e por unanimidade dos/as Sres/as asistentes, ven en informar favorablemente o escrito da Sociedade Labrego Cultural de Reboreda, sempre que non implique cambio de numeración nas vivendas afectadas.

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación ó dictame antes transcrito.

15.-MOCIÓN DO BNG SOBRE NORMALIZACIÓN LINGÜÍSTICA

Pola Presidencia dase conta da moción do Grupo Municipal do BNG, de data 22 de abril de 2000, que dí:

A importancia da información nos tempos actuais, o considerábel incremento das audiencias nos medios de comunicación e a utilización de novas tecnoloxías no ámbito social, económico e familiar, condicionan con maior intensidade as relacións humanas e inflúen de xeito importante na sociedade, tentando globalizar e uniformar ditas relacións.

Serie A N.º 1175871

Por tal motivo, este feito debe ser tido en conta para procurar a preservación da identidade dos povos e das comunidades lingüísticas, garantindo así o futuro das culturas e linguas do mundo e obrigando-nos, aos galegos e galegas, a non permanecer alleos e alleas a esta realidade.

Ademais, a pasividade xeral dos medios de comunicación e dos poderes públicos do noso país, diante da escasa presenza do galego nos propios medios, non se corresponde co nivel do uso do galego por parte da cidadanía nen sequera co manifestado en inquéritos por unha imensa maioría favorábel e unha maior utilización da nosa lingua en ámbitos nos que se atopa reducida á mínima expresión, tal como ocorre cos diarios galegos nos que tal uso chega ao 4%.

Problemas básicos que terían fácil solución e axudarían á normalización lingüística do noso país, se os medios de comunicación fosen receptivos ás suxestións das organizacións sociais. Ou sexa, se a imprensa escrita respeitase o uso do galego cando sexa esta a lingua na que se lle acheguen as notas e comunicados de impresa, de tal maneira que a información confeccionada a partir da mesma se fixese tamén en galego, se se respeitase o uso do galego das persoas entrevistadas e se reproducise as mesma en galego, se se aumentase o uso do galego, en principio, por exemplo nun 10%, de xieto uniforme, en todas as seccións.

Terían eses problemas básicos fácil solución se a TVE emitise en galego o seu programa "Galicia para el mundo", subtitulando as declaracións en galego e non requirindo dos entrevistados e das entrevistadas o uso do español; se a TVG e RAG esixise unha maior valoración da competencia lingüística na proba de galego no acceso ao posto de traballo, incluso nas contratacións puntuais para eventos singulares se a TVG se esforzase un chisco en estender o uso do galego á publicidade.

Avanzariamos cara á normalización se Tele5 e Antena3 empregasen o galego nos programas feitos para Galiza e nas desconexións ou se Tele5 non pedise ás persoas entrevistadas o uso do español.

Ou, en fin, se RNE, puxese novamente en antena unha emisora integramente en galego.

As pequenas cousas son tamén importantes. E aprofundariamos na normalización lingüística do noso país, se as institucións como a propia Xunta de Galiza requirisen das emisoras de rádio que receberam concesións de frecuencia por parte da Xunta que elaborasen e apresentasen publicamente un informe do grao de cumprimento das condicións que regulan o uso do galego nas citadas concesións.

Avanzaríamos, pois, se decidisen elaborar e distribuír sistemas operativos en galego, programas específicos, de tradución automática, etc.

Perante esta realidade, os concelleiros e concelleiras que formamos as Corporacións locais temos tamén algo que dicir e que aportar para mellorar a situación



EL NUMERADO
CORPORACIONES
LOCAIS

da nosa lingua. É por iso, que solicitamos do Pleno da Corporación a adopción dos seguintes acordos:

1.- Pronunciamento público e Bando da Alcaldía a prol do cumprimento xeral da Lei de Normalización Lingüística nos medios de comunicación e nas institucións.

Pronunciamento público de apoio á Campaña que a Mesa pola Normalización Lingüística, partidos políticos, centrais sindicais e outras asociacións, están a desenvolver baixo o lema de "EN GALEGO, DE PRINCIPIO A FIN".

Apoiar e participar na convocatoria, traslado e celebración da manifestación que se fará en Santiago de Compostela, o día 17 de maio.

2.- Que as futuras páxinas WEB do Concello estexan en galego como opción preferente.

3.- Que o presente acordo, incluíndo a parte expositiva, se dirixa á Presidencia da Xunta de Galicia solicitando a súa intervención para que os medios de comunicación de titularidade pública, tal como aparece recoñecido na Lei 3/1983 de Normalización Lingüística, na Lei 5/1988 de Uso do galego por parte das entidades locais e na Lei de Administración Local de Galiza aprobada o 3 de xuño de 1997, cumpran co seu papel de transmisores da nosa realidade lingüística e cultural.

Pola Presidencia ábrese o correspondente turno de debate.

Concedida a palabra pola Presidencia pola Concelleira Sra. Pérez Orge se sinala que a moción está marcada polo día das letras galegas e preténdese coa mesma a regularización do idioma galego, e dar conta a este Concello Pleno do contido da súa moción.

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación á moción antes transcrita.

16.-MOCIÓN DO BNG EN DEFENSA DO SECTOR PESQUEIRO GALEGO E POR UN NOVO CAORDO DE PESCA CON MARROCOS.

Pola Presidencia dase conta da moción presentada polo grupo político do BNG, de data 2 de maio de 2000, que dí:

A frota galega que viña faenando no Banco Canario-Saariano leva cinco meses paralisada, amarrada nos seus portos, por falta de acordo pesqueiro entre a Unión Europea de Marrocos.

Malia á pasividade desta situación, non existen indicios na actualidade que permitan avistar un futuro digno para os 140 barcos, con máis de 2.000 mariñeiros galegos e toda a inxente actividade económica inducida por este importe segmento da

Serie A N.º 1175872

nosa frota pesqueira, singularmente nos portos da comarca do Morrazo, Ribeira e A Garda.

Todos os argumentos feitos públicos para xustificar a non renovación do acordo, ou mesmo a negociación baixo outras condicións-sociedades mistas-, converten-se en falacia. Non é presentábel tampouco o argumento de rexeneración do caladoiro, ou do desenvolvemento do sector pesqueiro marroquino, cando de feito nas últimas semanas rúsia e Xapón asinaron xa os seus correspondentes acordos pesqueiros con Marrocos, ou mentres outros barcos comunitarios- os chamados "superarrastreiros", holandeses- seguen a faenar nestes momentos neses caladoiros mentres a nosa frota permanece amarrada.

Neste contexto, é evidente que a Unión Europea está a manter unha posición de inactividade no plano político-institucional, que levou a que na actualidade non exista un calendario negociador.

Así as cousas, a sociedade galega non debe asumir un papel de resignación. Trátase de defender nada menos que un alicerce fundamental para a economía de Galiza, e de non dar por perdido, moito menos aprioristicamente, a posibilidade de acadar un acordo en condicións con Marrocos.

En consecuencia, organizacións sindicais e empresariais do sector veñen de organizar-se en torno á Mesa para a Defensa do Sector Pesqueiro Galego, e fan un chamamento ao conxunto da sociedade galega co obxecto de reclamar en Vigo, o vindeiro día 11 de maio, a través dunha manifestación unitaria, a adopción de medidas, por parte das diversas institucións, para a consecución deste acordo pesqueiro, tan benéfico para o noso país.

É por iso, que solicitamos do Pleno da Corporación Municipal a adopción do seguinte acordo:

ACORDO

1) Reclamar da Unión Europea a negociación dun novo acordo pesqueiro con Marrocos, en base aos seguintes principios:

- a) Manter o número de barcos e tripulantes galegos nese caladoiro.
- b) Manter a titularidade galega das empresas e o pavillón do Estado Español nos barcos, através dun acordo de primeira xeración.
- c) Manter as axudas a tripulantes e armadores durante o tempo de paralización da frota.

2) Dar traslado deste acordo ao Parlamento de Galiza, Xunta de Galiza, Goberno Español e Comisión Europea.



3) Apoiar desde o Concello a manifestación convocada pola Mesa Galega para a Defensa do Sector Pesqueiro para o vindeiro día 11 de maio, en Vigo, coa publicación dun Bando e co apoio económico necesario para a concorrência colectiva de cidadáns e cidadás a esta mobilización social.

Pola Presidencia ábrese o correspondente turno de debate.

Concedida a palabra pola Presidencia ó Concelleiro Sr. Pazos Docampo, por éste sinálase que a problemática de Marrocos afecta a flota galega e concretamente a zona de Morrazo e Rias Baixas poidendo supoñer a paralización da mesma, nun sector dependente da pesca, en beneficio doutros países que non teñen esa tradición pesqueira como o noso.

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación á moción antes transcrito.

17.- ROGOS E PREGUNTAS.

Non se formularon.

E, non habendo máis asuntos que tratar, pola Presidencia dase por rematada a presente sesión, sendo as vinteduas horas e quince minutos da data fixada no encabezamento, en proba de todo o que, se estende a presente Acta, que se inscribiu no Libro dende o folio cincuenta e nove do Papel Timbrado da Comunidade Autónoma de Galicia, Seire A nº 1175861, ata a volta do folio setenta, Serie A nº 117587, de todo o que, como Secretario, DOU FE.-

O ALCALDE

O SECRETARIO

Asdo: Xaime Rei Barreiro

Asdo: Luís Torrado Vázquez